
ҚУВА ОММАВИЙ СПОРТНИНГ МАРКАЗИГА АЙЛАНМОҚДА

Вилоят ҳокими Қува туманининг “Қақир” МФЙда бўлиб ўтган оммавий спорт сайли ҳамда кўрик-танловларнинг якуний босқичи муносабати билан ўтказилган тадбирда иштирок этди.

Бугунги тадбирда спортнинг футбол, стол тенниси, шахмат ҳамда “Workout” турлари бўйича маҳаллада ўтказилган оммавий спорт мусобақаларининг якуний босқичи бўлиб ўтди ва мурасасиз беллашувларда ҳар бир тур бўйича ғолиблар аниқланди. Маҳаллада яшовчи ёш келинлар “Ораста бека” танловида палов тайёрлаш маҳоратларини намоиш этдилар. Дорбозларнинг ҳаяжонли чиқишлари сайлга ўзгача шукуҳ бахш этди.

Тадбир якунида бўлиб ўтган спорт мусобақалари ва танлов ғолибларини, шунингдек китобхонлик ва ғазалхонлик йўналишидаги кўрик-танловларда фахрли ўринларни қўлга киритган, фан олимпиадаларида юқори натижаларга эришган кўплаб ёшларга совғалар ва дипломлар топширилди.

Ўзбекистон Президентининг 2020 йил 30 октябрдаги “Соғлом турмуш тарзини кенг татбиқ этиш ва оммавий спортни янада ривожлантириш чора-тадбирлари тўғрисида”ги ПФ-6099-сонли Фармони ижросини таъминлаш мақсадида бугун Қува туманида кенг қўламли амалга оширилмоқда.

Ҳар бир маҳаллада жисмоний тарбия ва оммавий спортни, соғлом турмуш тарзини тарғиб қилиш учун зарурий инфратузилма ва бошқа шарт-шароитлар яратиб берилмоқда. Тумандаги 65 та маҳаллада 90 та “Workout” (маҳалла ва кўча фитнеси) майдончалари ташкил қилиниб, уларда 1500 зиёд ёшлар шуғулланмоқдалар.

2021-02-02 19:13:24